

"ARUBAANSE COURANT"
diariamente cu excepccion di
diadomingo
subscription f. 3.25 pa luna
edicion los 20 ct.

edita pa:
N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'stad Aruba N.A.

imprimi na:
N.V. Drukkerij "De Stad"
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscriccion.

Directeur hoofdredacteur: D. Wolff.

ARUBAANSE COURANT



Diario pa



Aruba



SWIFT

CORNED BEEF

gusta pa grandi y chikito den tur
cas, pa su cantidad y su bon smaak.

Agentes:

Wimco

DIAS HUEBS 3 DI OKTOBER 1963

No. 4757

Anja 25

Buraco na aeropuerto:

ATLANTIC GULF A TUMA RESPONSABILIDAD CASO DI LODO PA SU CUENTA

ORANJESTAD, 3 okt. — Na fin di e tereno cu draga a basha pa extension di aeropuerto cerca di laman, tin dos draglines to cobando e lodo, cual a forma bae di e santo y cu endudablemente por a causa un accidente, si poco tempo pasa e no a worde descubri door di un chauffeur di tractor attento. Atlantic Gulf & Pacific Company, cual a haci e trabao di cobamento y bashamento di tera mesora tabata di acuerdo pa tuma e responsabilidad oriba su cuenta. Aki na cuater of cinco siman e trabao aki lo ta cla. E gastonan extra ta worde calcula po dos ton.

Como cu e chauffeur di un tractor, kende tabata coriendo algun tempo pasa ariba e tereno menciona, a ripara cu e pida tereno eyan no tabata duro pero cu e tabata veer, alconrario di e otro partinan di e lugar, y a bisa esaki na su hefe, a worde descubri cu algun meter bae di e santo tabatin un parti di lodo. Muestranan di tera mesora a trese na claridad loko tabatin ey bae. Segun nos a tende for di fuentenan bon informa tal formacion di lodo por resul a masha facil durante di e cobamento y bashamento di santo pa draga, y esaki por sosode dentro di mei ora sin cu e worde descubri. Kende ta responsabel Atlantic Gulf & Pacific, cu a haci e trabao of DOW cu tabata encarga pa perscira pa un bon trabao worde entrega?

Experiancia ta bisa aknan cu papianando na un manera practico no tin culpable. Hopi biaha esaki no por worde constata na tempo y asina ta forma un parti di lodo cual door di cambio di coriente di awa un parti di santo ta worde poni ariba esaki y no por worde constata mas en absoluto cu tin lodo ey bae. Pero en todo caso asina cu Bouwmaatschappij "Aruba" kende, como agente di e compania di draga (Merican) a manda un telegram ariba dia 10 di september ultimo, e president di Atlantic Gulf & Pacific Co., senor

Henry Schoon a bin Aruba pa investiga e asunto personalmente. E tabata di acuerdo pa tuma e responsabilidad y despues di algun dia el a bolbe cu un especialista di dragline, senor Kenneth Groot. Algun dia despues dos especialista mas asina a bin aserca. Cerca Byerlie y Confab, granan a worde gehuur y di Confab y DOW bulldozers. Y ya durante algun tempo ta worde traha ariba cobamento di lodo bae di guia di senor De Groot. Promer e santo tin di worde kita, e ora e lodo por worde cobra. E trabaoan di Mac Namara, e

CANASTA DRIVE UN YUDA OTRO

ORANJESTAD, 3 okt. — E organizacion caritativo "Un Yuda Otro" kendenan ayera noch tabatin un diner na Trocadero pa e miembronan, tin planja pa tene na luna di november venidero un canasta drive, di cual loko worde colecta lo ta pa reinforsar e esah di e organizacion aki pa su doelman caritativo. Manera ta conoci e organizacion aki ultimamente a yuda den e caso di e familia cu a keda sin dak ariba nan cahe na San Nicolas, pa motibo di un incendio.

Pa luna siguiente, esta December, e miembronan di e organizacion lo tin un diner di Pasco ariba dia 22 na Aruba Caribbean Hotel-Casino.

ACUERDO ENTRE PAKISTAN Y RUSIA

KARATSJI, 3 okt. — Pakistan y Rusia a bira den principio di acuerdo tocante habrimentu di aeropuerto di Karatsji pa avionnan di e compania Ruso Aeroflot y e companianan Moscovita pa avionnan di Pakistan.

HOPI INTERES PA ANOCHI CULTURAL DI U.M.B.

SAN NICOLAS, 3 okt. — Accion cultural den Club Bonaireano ta sigi su curso, y dialuna anochi 30 di september, tabatin otro lectura, combina cu pelicula den e Club aki. E programa tabata consisti di e siguiente aspectonan instructivo: 1. Pelicula, tocante seguridad; 2. Splicacion tocante trahamento di cas, door di Sr. Moises Sini Jago, presidente di e club; 3. Lectura tocante Belasting, pa sr. J.M.H. Boezem y 4. Plan deportivo di sr. Verio Paula.

Sr. Luydens di Lago Oil & Transport Co., Ltd., prome cu cuminsa e pelicula ta duna un explicacion ariba "Signal 30". E pelicula tabata emocionante y un ejemplo, pa esnan tras di stuurwiel comprende con grandi ta nan responsabilidad.

E splicacion di sr. Moises Sini Jago tocante trahamento di cas, tabata masha interesante. E oyenianan a tende hopi, encanto e requisitonan qu mester tuma lugar, promer cu yega asina leu pa constitui un cas. Sr. Sini Jago na un manera claro a mustra e diferencia cu tin entre: tera di huur, di erfpaachi y conces. Por ejemplo Sr. Sini Jago a bisa, cu un cas constitui ariba tereno di otro hende, huridicamente ta pertenece na e donjo di e tera, aunk e ta traha cu bo mes placa.

E siguiente orador, Sr. Boezem ta mustra ariba e diferente sorto di Belastingnan cu tin e.o. Inkomsten, Winst, grond, registratie, hondenbelasting, successie etc. Combinando un pida Staatsrecht, sr. Boezem a mustra con e diferente organonan di gobierno ta funciona, entre otro teritorio insular, ta ricibi plananan y mester paga un cierto porcentahe na Land.

Masha interesante tabata e splicacion pakiko mester paga Belasting. Pa conclui su charla sr. Boezem a recita un pida di den Bijbel caminda Jesus a puntra e hendenan aya: "Ta portret di kende esun riba e moneda aki ta? Si ta di Cesar, anto duna na Cesar loke ta di Cesar y na Dios loke ta di Dios. Pa sera e careda di oradornan Sr. Verio Paula ta subi podium y duna un explicacion di e plannan di Directiva tin pa den futuro organisa deporte na cual e jinan di miembronan lo por tuma parti.

E maestro di ceremonia di e anochi, y alavez encarga cu asuntunan cultural y Relacion Publico di U.M.B. Sr. John Hart, grad'endo na un manera especial Lago y Sr. Luydens pa e cooperacion y tur e presentenan pa nan asistencia ta clausura e anochi cultural aki, cu indubablemente tabata instructivo pa esnan cu a presencia.

compania encarga cu e extension di e aeropuerto practicamente no ta hajar ningun estorbo di esaki. Segun opinion di insidenan, nan no ta kere cu lo tin mas di e partinan di lodo aki bae di e santo. Anto e tractornan pisa, cu diariamente ta corre ariba e tereno, lo a descubri esaki eba" segun nos vocero. E gasionan di e trabao cu ta worde haci na e momento lo worde cubri completamente pa Atlantic Gulf & Pacific Co.


PRONTO EXTENSION PLANTA DI AWA!

ORANJESTAD, 3 okt. — "E uso di awa ta yegando e capacidad maximo di produccion di e instalacionnan, asina cu extension di e fabrica di awa lo ta necesario. Na su debido tempo rand lo hajar e proposicionnan pa esaki", segun e frase di e informacion serca e hegroting di Empresa di Awa y Energia pa 1964. Su cuestion cu e entregamento di awa na Lago, ta worde spera cu pa 1964 Lago lo tuma 500 meter cubico mas di awa pa dia.

"Como cu e gastonan calcula di f8.5 milyon ta casi igual cu e entrada, na anima pa constata aserca asina e memoria di informacion di e hegroting ta continua" cu den e anjanan venidero door di aumenacion di uso di awa, e saldo destavable, cual a worde calcula pa 1964 pa f25.465— lo desaparece. E posibilidadnan riba pa mas entrega lo influencia e resultadonan favorablemente. E extension di e empresa di energia cu tres unit di 33 MW a worde escogi, como cu por worde spera cu pa motibo di e industrializacion cu ta tumando lugar poco poco, e machinnan aki lo worde carga en futuro.

Apesar cu e prognose aki no a worde realiza completamente ainda toch un tercer unit a worde encarga, como cu e ofertanan ariba esaki a duna ventananan importante. Pero pa motibo di e extension aki ta resulta por lo momento un surplus di capacidad. En cuestion cu e ultimo, W.E.B. a dicidi pa usa un sistema nobo di descarga, cu porcentanahan di descargo cu ta aumenla.

HUMA UN CIGARIA VERDADERO HUMA UN CAMEL



FAVORITO DI ARUBA

CAMARA TA OFRECE
I.O.W.U.A. Y LAGO
BON SERVICIO

ORANJESTAD, 3 okt. — Durante e ultimo reunion di directiva, cual a worde teni algun dia pasa, e directiva di Kamer van Koophandel & Nijverheid di Aruba a dicidi pa en cuestion cu e situacion serio cu ta desaroyando entre Lago y Independent Oil Workers Union of Aruba, ofrece tur dos partida e bon servicionan di e directiva di e camara Esaki ta nifica cu directiva di e acuerdo pa na bienestar di tur dos partida, haci loko ta posibel pa elimina impoimento di e situacion y pa haci e relacionnan normal atrobe.

COMPETITIE A.V.B.

Awenochi pa 7.30 den WILHELMINA STADION

S.C.A. vs. SANTA - FE
(A-KLASSE)

Entrada general Fl. 0.50

Mucha mitar prijs

Ya tin nueve contract pa proyectonan di desaroyo

ORANJESTAD, 3 okt. — Segun e hegroting di Oficina Administrativo pa Proyeccion di Desaroyo, ya nueve contract a worde duna na companianan pa e ehecucion di trabaoan urgente. E companianan ta lo siguiente:

1. Westinghouse Electric International Company: Construcion di dos central di electricidad y dos stacion di transformacion pa US\$ 14.768.300.—
2. Cu Nat. J. Harrison's Overseas Corp. contract a worde firma pa entregamento y ponemento di un kabel di 60 KV di e central di Lago pa Balashi y di Balashi pa Baredera. alavez tambe un kabel di central, cual hunto ta US\$ 1.272.474.—

3. Cu Atlantic Gulf & Pacific Co. pa e cobamento di baaf na Baredera, y bashamento di santo pa forma e tereno di baaf y cobamento di e entrada di baaf na Oranjestad y e bashamento di santo pa extension di aeropuerto pa un total di f 2.665.000.— + US\$ 1.675.500.—
4. Cu Koninklijke Maatschappij voor Havenwerken, pa construcion di muraya di haaf na Baredera, e cobamento di dos parti di lodo den lama pa extension di e aeropuerto di un brug di utilidad over di Spaans Lagoen, e planeamento di un muraya pa haaf di Oranjestad cu e trabaoan cu ta bin aserca y e trahamento di postenan di luz den haaf, cual na tur ta f3.264.600.—

5. Cu Bouwmij "Aruba" N.V. pa e kitamento di e mananan di mangrove, pa extension di Aeropuerto y e construcion di un trayecto pa concecionnan ariba tereno di Lago cu total ta f353.700.—

6. Cu Petrona & Croes pa dempel un parti di Commandeursbaai, pa f45.000.—

7. Cu Mac Namara Corp. Ltd. pa e extension y cambianan di pista di aterizaje y construcion di platform pa f4.256.000.—

8. Cu N.V. Naco, pa planea y tene control ariba ehecucion di e trabaoan menciona na sub 6. y

tambe e planeamento di e stacion di aeropuerto, esakinan segun tarifa.

9. Cu Mac Donald Wyatt Kipper (M.W.K.) International Ltd. pa hasiminto e chimineanan di e central actual mas halto pa f47.682.—

Propio trabao

Bao di propio direccion a worde ehecuta:

—Construcion di e caminda pa haaf di Baredera.

—Construcion di e trayecto di concecionnan di Baredera pa e tereno di Lago.

—Tumamento di prevision provisional na e fabrica di awa y central actual, pa aumenacion di e produccion sperando e extension definitivo.
—Pedidanan chikito local y na exterior.

En cuestion cu e Plan di Desaroyo di cual ta worde spera cu e promer fase lo cuminsa na 1964, ta worde bisa den e informacion di e hegroting aki, cu lo ta necesario cu lo tin un cooperacion entre e oficina di Administracion — y e oficina di Welvaartzorg. Pesey e decision a worde tuma pa entrante dia promer di november 1963 pone e oficina di Administracion bao di e oficina di Welvaartzorg.

Relificacion:

FIESTA DI ST. THERESIA NA SAN NICOLAS

SAN NICOLAS, 3 okt. — Den nos edicion di dia promer di october ultimo nos a anuncia cu en cuestion di e fiesamento di dia di St. Theresia na e parokia di San Nicolas cu lo tuma lugar awe lo tin e.o. un misa especial cu lo tuma lugar den Iglesia catolico na San Nicolas pa 7or y 45 awe noch. Pero segun nos a worde informa pa pastoor di parokia di San Nicolas esaki mester ta 7or y 15 awe noch, mientras cu 7or lo tin Rosario.

CLARKSON ta declara punto di bista di LAGO en cuestion I.O.W.U.A. y C.C.T. I.O.W.U.A. ta pidi „vote of confidence”

SAN NICOLAS, 3 okt. — Dia promer di october ultimo senor B.C. Clarkson como presidente di e grupo di delberadornan di directiva en cuestion cu e Combenlo Colectivo di Trabao nobo, a haci un declaracion cual a worde entrega na tur e empleadonan di Lago y den cual e punto di bista di Lago en cuestion cu I.O.W.U.A. y e C.C.T., no bae di worde splica. Awir e directiva di Lago ta bisa di ta reconoce cu Union enmo e unico organo pa deliberacion y cu nan tabata masha contento y anima cu un gran cantidad di miembronan a apoya e eleccion di directiva di Union.

Pero como cu e proponimento di candidato, cual a tuma lugar promer cu e eleccion di directiva a worde poni na duda door di huez, e directiva di Lago tin di spera e decision di juzgado promer, pa ta sigur, cu e directiva di e Union cu cual ta worde delibera ta completamente autoriza pa cera contractnan cu Lago.

"Mi ta desea di clarifica na tur empleadonan di Lago, e posicion cu

compania ta ocupa en relacion cu reconocimento di directiva di IOWUA y negociacion di un Combenlo Colectivo di Trabao nobo.

"Directiva di Lago ta reconoce IOWUA como e unico agencia negociativo pa empleadonan di compania cu ta cai hao di e combenlo. Lago ta dispuesto y ansioso na eunimacion negociacionnan pa yega na un combenlo colectivo di trabao nobo, unavez Compania tin aseguracion cu e Directiva cu cual e trata tin completo autoridad pa haci combenlo obligatorio cu Compania.

"Compania a mira cu placer y animacion con gran cantidad di miembro di e sindicato a vota durante e eleccion di 26 di agosto. Sinembargo, Compania ta recorda, empleadonan cu e senencia di huez dia 24 di agosto a dicidi cu e manera di proponer candidato pa directiva tabata invalido segun e constitucion y reglamento di e sindicato, y necesariamente e senencia ey di huez ta afecta accionnan di Compania.

"Nos kier sigura nos empleadonan



Dr. John Carmel Heenan a keda instala den e Cathedral di Westminster na Londen coma e di ocho obispo di Westminster y primado di Inglaterra. Riba e portret aki e primado ta duna su bendicion.

Credit Union San Fransisco lo fiesta dia internacional

ORANJESTAD, 3 okt. — Diadomingo ultimo, Credit Union San Francisco tabatin un grandioso pie-nie bailable na Plantage Tromp na Palm Beach, cual a resulta un exito rotundo pa e comision di fiesta cu a organisa e pie-nie.

E doel di e pie-nie bailable cu a worde anima pa Steelband y cuba di musica, tabata pa e miembronan y famianan di miembronan ennan ainda no ta miembro cera conoci en otro y duna animacion na esnan cu no ta miembro, pa haci esaki. Segun nos a worde informa pa e presidente di e C.U., senor E. Martijn, tabatin un total mas o menos 200 persona na e pie-nie.

Dia internacional

Pa e luna aki e directiva di C.U. San Francisco tin diferente programnan atractivo planja pa su miembronan.

Entre otro e dia internacional di Che-

dit Union lo worde fiesta na un manera extenso pa e credit union di Oranjestad.

Dia 17 di oktober venidero, e dia internacional di e credit unionnan, lo tin un Sacrificio di Misa den Iglesia San Francisco, mientras cu dia 20 anochi, lo tin un programa masha varia cu musica y show pa celebracion di e dia internacional. E anochi aki lo ta den e club San Francisco pa zuid di Iglesia na Oranjestad.

Pa dia 5 di december tin ariba programa fiesamento di dia di San Nicolas pa e yunan di e miembronan, cual tambe lo tuma lugar probablemente e atardi ey den Club San Francisco.

Algo cu no ta sigur ainda pero ariba cual ta worde traha duro, ta un excursion di e miembronan di e Union aki, otro anja pa Bonaire y Corsow.

trobe na e oficina di e union na Grensweg, cu e fin pa door di firmamento di un carta traha pa e directiva, mustra un biaha mas e confianza den e directiva aki. E union kier sae asina di nobo un „vote of confidence" y arma cu esaki kier trata pa Lago apesar di e resultado di e casonan hudicial, habri e deliberacionnan tocante e contract colectivo di trabao nobo. E directiva di union ta preocupa tocante e hecho cu door di e casonan dilan i huez, mas tempo ta bai perdi door di cual e chens ta bira mas y mas chikito pa prome cu e contract bieuw expira dia 2 di december p.v., nan lo a termina e deliberacionnan tocante e contract nobo.

FATUM — Tel.: 1845
pa tur bo aseguranon

E carta cu nan ta pidi e miembronan pa firma ta dirigi na Lago. Den esey ta worde declara cu e firmantenan ta considera e contract cu ta worde logra door di deliberacionnan entre Lago y e directiva di union actual, como obligatorio pa tur e firmantenan ta declara alavez cu e accionnan di seniores Lewis y V. Fizaroa, ta worde considera como perhudicio pa e bon relacionnan entre e union y Lago.

Pa termina ta ser declara cu nan ta considera e directiva actual eligi segun e statutonan y reglamento int. di e union y cu nan ta completamente de acuerdo cu e procedura di postulacion di candidatonan di dia 11 di agosto cu ta ser opene pa srs. Fizaroa y Lewis.

REY DE COPAS



Ariba e portret aki nos ta mira e momento grandi pa sr. URBANO TROMP, cu e tabata ricibi un auto completamente gratis, cu el a gana den e concurso di RON REY DE COPAS.

E formidable concurso di Ron REY DE COPAS di cual e sorteo a tuma lugar dia 26 di september, tabata otro exito grandi. Enorme cantidad di personanan a tuma parti den e concurso aki di REY DE COPAS, cu ya ta birando asina popular na Aruba. Majo ria di e afortunadonan den e ultimo sorteo aki, ya a ricibi nan premio.

Dialuna atardi, ganador di e 2ndo. premio, senior URBANO TROMP di Boecoe-roe 93, cu tabatin number 8 0 4 0 den su poder a ricibi jabi di su FIAT 1300 for di man di e director sr. J. Gonzalez, den presencia di sr. J. D'Aguar, sales-manager di VIANA AUTO SUPPLY, agente pa autonan FIAT.

Resultado sorteo di fecha 26 di september 1963

Promer Premio	5906
Segundo Premio	8040
Tercer Premio	19579

PREMIO DI FLS. 500.-

1685	14909
5002	15150
6357	16037
6981	16670
8427	17273
8660	20005
10214	20541
12005	20657
13098	21397
14184	21656



REY DE COPAS

ARUBA DISTILLING COMPANY WILHELMINASTRAAT 47 TEL: 1266
J. H. (Yendi) CROES Santa Cruz Tel: 1041

SER PERSONAL AUNQUE
E DISTANCIA TA
GRANDI...



Pa ho amigonan y serman stima
leuw for di bo, nada ta mas bon-
bini cu un portret personal di fa-
milia, di cas of stionan familiar.

Repasa bo album of coleccion di
portretnan cu bo a jega di saca, y
selecta esun cu lo bo desea di man-
cha ariba un tarjeta postal di Pasa-
y Anja Nobo.

Pero e dia no ta tantu leuw manera
bo ta kere... fecha final pa traha
bo postal ta:

12 di NOVEMBER 1963.

25 tarjeta cu envelop den
pretu cu blanco,
pa solamente fl. 8.50

25 tarjeta cu envelop di
color...
pa solamente fl. 17.—

Pa mas informacion acudi
di jama

AGENTE PA KODAK NA ARUBA
NEME IMPORT EXPORT CO.
Tel. 1754 - 1775 - 1840

OE THANT TA ACEPTA OFERTA HULANDES

NEW YORK, 3 oct. — Secretario
general Oe Thant di Nacionnan Uni
a acepta e oferta cu Hulanda. Dina-
marca, Finlandia, Noruega y Suecia
a haci pa pone unidatnan militar na
disposicion di Nacionnan Uni.

E secretario general a stipula cu
acepto, cu na esaki tin e condicion,
cu e unidatnan aki lo worde pone na
disposicion di Nacionnan Uni, ora
cu e organizacion tin mester di nan
pa mantene paz y cu e oferta no tin
ningun consecuencia financiero pa
Nacionnan Uni, mientras tanto nan
no a haci uso berdadero dje unidat-
nan aki. E condicion aki tabata tam-
be den e oferta dje paisnan mencio-
na.

INCIDENTE NA BERLIN

BERLIN, 3 october. — Di fuen-
te Mericano na Berlin West a worde
confirma awe cu na e enclave Slein-
stueken na West Berlin tabatin un
incidente dialuna entre guardianan Ale-
man di frontera y polis militar Me-
ricano. E Alemanan a benta cu pie-
dra y e Mericanonan a contesta esey
cu algun bom lacrimogeno.

E agencia di prensa na Berlin Qost
ajera a haci mencion di provocacion
contra polis di frontera na Aleman-
ia Oost, pero no a menciona cu e
polis ey a benta e Mericanonan cu
piedra.

KOUFAX A DOMINA YANKEES PA PROMER TRIUNFO DI DODGERS

(Di nos redactor Deportivo)
Ayera merdia den Yankee Stadium
e Serie Mundial di Baseball a cuminsa
entre New York Yankees y Los Ange-
les Dodgers. Pa e weg aki e honor
di lanza e promer bola a worde duna
na e famoso pelotero Stan Musial,
kende despues di 22 anja di hopi ac-
tividad den su equipo Cardenales di
San Luis, anualmente su retirada di base-
ball. El a worde nombra como e vice-
president di e club aki.

E dos managernan a haci uso, ma-
nera por a worde spera di nan zurdan-
nan estelar, Sandy Koufax pa Dod-
gers y Whitey Ford pa Yankees.

Mientras cu Ford a worde casti-
ga den e segundo y tercer inning pa
un total di cinco carrera, Koufax a
logra implanta un dominio fuerte ri-
ma e toleoronan yankee, ponchando
un total di cinco pelotero di e seis
promernan cu el a enfrenta.

E rally di Los Angeles den e se-
gundo inning a hai den siguiente for-
ma: Tommy Davis a habri cu roller
pa shot pa prome out. E tremendo
Frank Howard a sigui cu fuerte li-
nea di tubey haijando e hardiner
central Mantle. Bill Skowron a conec-
ta single hit den right empujando
Howard cu e promer carrera di weg.
Luego Trasuski tambe a conecta
hit pa pone dos na base. Catcher
John Roseboro na turno awor ta
conecta fley largo den rightfield pa
e promer homerun di e serie y pa em-
puja tres carrera mas.

Den e tercer Dodgers ta aumenta
su ventaha cu un carrera. Atrobe ta
Bill Skowron ta empuja, e bisha aki
su companjero Willy Davis kende a
embasa door di roller pa segunda cu
a forza na e base ey Junior Gilliam.
E promer inning den cual Sandy
Koufax a hanja su mes den problema

ta e septimo ya ta den e octavo nu-
ma e mulonan di Manhattan a logra
nan promer carreranan. Cu Tony
Kubek na base, net despues cu el a
caba di establece un record nobo di
ponche propina den un weg di serie
mundial, Koufax ta worde golpea
duro pa homerun door di Tom Tresh.
loke a produci e unico dos carrera-
nan neoyorkino.

E partido a caba cu score di 5 pa 2.
Yankees a usa tres pitcher, esta
Whitey Ford, Stan Williams y Ha-
milton. E dos relevonan a haci bon
trahao conteniendo e bateadorman di
Dodgers den seis inning. Perdedor
tabata Ford. En total nan a ricibi 9
hit, regala dos base por bola y pro-
pina diez ponche.

Pitcher ganador Sandy Koufax a
cubri henter e ruta y a permiti seis
hit, regala dos base por bola y pon-
cha 15. Cu e cantidad di ponche aki
Koufax a establece un record nobo

LIQUIDACION INTERNACIONAL

WASHINGTON, 3 oct. — E di-
rector general di e Fondo Monetario
Internacional Pierre-Paul Schweitzer,
awe a papia na labor pa intencionan
nobo pa liquida e barrera comercial
den mundu mientras cu continua-
mente estudianan ta worde haci di
e asunto di liquidacion internacio-
nal riba termino largo.

Den un discurso cu el a dirigi na
e reunion anual di e Fondo mone-
tario internacional y Banco Mundial,
el a bisa cu e ta calcula, cu e fondo
lo ta e instrumento door di cual ma-
yoría di e expansion necesario di li-
quidacion lo worde realiza.

Venezuela ta bai construi ciudad nobo

SANTO TOME DE GU-
YANA, 3 okt. — Den parti
naard oost di Venezuela, un-
da ainda ta mandu lo bini un
ciudad nobo grandi. E ciu-
dad ta bini pega cu Cata-
ta bunita di Carani, unda cu
e riunan Carani y Orinaca
ta topa y e ta worde con-
strui far di nada, mescos cu
a sasade cu e ciudadnan
Brasilia na Brasil, Chandi-
garh na India y Canberra
na Australia.

Pero entre e ciudad grandi aki y e
tres orionan tin un diferencia grandi.
Nan tres ta capital of centro di go-
bernacion, pero Santo Tome de Gu-
yana ta bira un ciudad industrial pa
produccion di staal, machinnan pisa,
produccion quimico y materia pri-
ma.

E plan pa establecimiento di e ciu-
dad aqui ta un parti di e esfuerzonan
grandi di gobierno Venezolano pa
pone economia di e pais riba un hase

mas anchu cu esun, cu e ta basa ari-
ba for di anjanan 1930: esta petro-
leo.

E ciudad ta worde crea pa un po-
blacion di 400.000 hende na mas o
menos anja 1975.

Un instituto autonomo di gobier-
no, „Corporacion Venezolana de
Guayana”, lo preocupa pa e proyec-
to y construcion. E corporacion aki
a busca designadonan di ciudad
y social di Universidad Harvard na
Merca y di e instituto tecnologico di
Massachusetts.

For di Cerro Bolivar, „ceru di he-
ru”, un trein lo transporta e mineral
riba un distancia di 120 kilometer pa
Santo Tome, y di eynan e lo worde
carga bordo di bapotonan cu lo trans-
porta e mineral y otro produccionan
250 kilometer riba e riu Orinoco
prome cu nan yega laman grandi.

Pronto lo worde cuminsa cu con-
struccion di e pipanan, cu lo trans-
porta e petroleo directamente for di e
campanan Venezolano di petroleo pa
e ciudad industrial. Nan a cuminsa
tambe cu construcion di un central
di electricidad den e Riu Orinoco.

di ponche propina den un weg di
serie mundial. E cifra anterior taba
di 14 establece hustamente diez anja
pasa door di e pitcher di Dodgers
tambe Carl Erskine. Tambe e canti-
dad di ponche en total di e partido,
esta 25 ta un record nobo.

PARADA NA PEKING

PEKING, 3 okt. — Mas di mei millon
hende — militar y civil — ayera a
participa na un parada cu a worde te-
ne na Peking pa celebra e di 14 aniversa-
rio di e fundacion di republica popular
Chines.

Nan tabata carga modelnan di raket,
imaginacionnan simbolico di e punto di
bista Chines den e conflicto cu Union
Sovietica y lemanan den cual revisio-
nismo moderno ta worde condena.

Pero, mescos cu e tres anjanan an-
terior no tabatin militar nan regular ta
camina den e parada. E president di
e partido, Mao Tse Tung y premier
Tsjoie en ai a presencia e parada.

E burgemeester di Peking a bisa den
un discurso prome cu e parada cu tin
mas di 2000 huesped for di ochenta pais
na Peking.

Observadonan a bisa cu e tono di
su discurso tabata suave compara cu
declaracionnan recien di parti di par-
tido Chines y gobierno.

„UN PIDA CIELO NA VENTA” DIA 6 Y 7 p.v.

ORANJESTAD, 3 oct. — Film-
liga Aruba lo presenta dia 6 y 7 p.v.
e pelicula di regisor Italiano Agluco
Casadio „Un pida cielo na venta”.
E pelicula ta ser describi como
tragicomico. Tocante e pelicula aki
„Maasbode” a scribi:

„Apesar di e realismo, cu ta karak-
teriza e pelicula Italiano especial-
mente despues di guerra, nunca e no
a perde su mes, manera e Frances-
nan, den un pesimismo cinico of un
negativismo di bida. Al contrario,
con violencia e peliculanan Italiano
ta critica cierto situacion malu, casi
semper nan ta testigua di un emo-
cionalidad social, nan ta muestra com-
prension y respet pa humanidad y
nan principianan ta funda riba un
cultura di siglonan bieuw.

Sin bisa precisamente cu „Un pi-
da cielo na venta” ta un obra di
maestro, e pelicula sinembargo ta
contene tur e elemento, cu ta hacie
un tragicomedia sentimental y hu-
mano, liber di tono y jen di inciden-
tanan humoristico, cu hasta ta tum-
forman grotesca sin perde e con-
tacto cu realidad completamente.

E actor principal di e pelicula ta
Seferino, un viahero di negoshi, cu
ta tene su mes na bida cu su gracia,
fantasia y lenga dushi. Den un pue-
blo pover, e tin tres amigo, hende-
nan simpel mas pover cune ainda, cu
tur anja ta mira ansiosamente dilan-
ti-riba su jega pa trece poco varia-
cion cu su cuentanan increíble den
nan bida.

Jen di sorpresa nan ta waak y fu-
la su aparato pa feita di coriente, cu
lo nifica e morto di tur barbero y nan
ta seucha su cuentanan di progreso

Cumpleanjos

Dia 30 di september a cumpli anja
e hobenito Geronimo Geerman, fe-
licitacion ta bini di su mama y tata,
rumannan, mama y tata di e rianza
Margarita y Marcello Maduro, rum-
mannan di e rianza Josefa Tromp,
Maria Robert y Rubin Robert, wela y
primanan y demas famia Koolman,
Geerman, Maduro y Robert.

Dia 1 di october a cumpli anja e
hobenita Emerita Figaroa, felicitacion
ta bini di su tata Hose, mama
Simona, rumannan Filomena, Teof-
ilo, Benedicto, Mito, Frenki y Alex,
welonan, tantanan, primo y prima-
nan, pepe Johanna Ruiz, omo Nico-
las Kelly, amiguia Mientje Ruiz y
demas famia Figaroa, Tromp, Kelly
y Semereel.

Awe ta cumpli anja senjora Rosa
Irausquin, felicitacion ta bini di su
esposo Hipolito, yunan Remy, Ju-
nior y Lourdes, tata Venancio War-
net, tur su rumannan, suegro Roman
Irausquin, suegra Petra Irausquin y
demas famia.

Awe ta cumpli 4 anja e hobenito
Remigio Irausquin, felicitacion ta bi-
ni di su tata Hipolito, mama Rosa,
rumannan, Junior y Lourdes, welonan
Venancio Wernet y Roman Irausquin,
wela Petra Irausquin, padrino Hen-
drik Wernet, madrina Catarina Ger-
man y demas famia Wernet y Iraus-
quin.

Awe dia 3 di october ta cumpli
anja senjora Beatrix Tromp, felicitacion
ta bini di su esposo Juan Tromp,
yunan Marry, Vivian, Glenda, sue-
gra y suegironan, cunjanan y demas
famia Tromp, De Windt y Schaap.

Di ciencia y tecnica. Nan ta prepara
viahnan den espacio pa luna. Na
Roma mes nan a establece un com-
pania, cu ta bende pidanen di cielo
y nan a nombre como representante.

E tres simplenan no kier perde un
oportunidad unico asina. Nan ta su-
erifica nan ultimo lire pa obtene un
pida di e cielo tan desea y nan ta di-
cidi pa tuma posesion mas pronto po-
sibel di nan pida cielo, bandona e
tristeza mundial aki voluntariamente,
pa cual motibu nan a sali cu un
boto jen di piedra riba e laguna.

Ora Seferino ta hanja sa nan idea,
e ta bai husca su amigonan cu el a
ganja desesperadamente, cu e ta to-
pa pa su gran alivio den un boto di
polis, den cual nan a busca refugio.
ora cu door di un buraco den nan
boto di herdad nan a worde menaza
cu morto, nan a realiza cu bida a-
pesar di pobreza y miseria toch hal-
ta pena pa bida.

Dia 10 y 11 di november e pelicu-
la „Dieven hebben het weer moei-
lijk” ta worde presenta.

AGENDA

CINE
Diahuebs 3 october 1963

DE VEEER 8.30 p.m.: „Mr. Hobbs takes a
Vacation” all
RIATRO 9 p.m.: „Let no Man Write my
Epitaph” 181
PRINCIPAL 9.30 p.m.: „Gambatte al Monterey”
181
AURORA 9.30 p.m.: „The Terror of the
Tongue” 181
SAVANNA 9.30 p.m.: „Pobre del Pobre” 181

BOTICANAN DI WARDA
Oranjestad: Botica Aruba — tel. 1087-1180
San Nicolas: Botica San Lucas — tel. 5119

DOKTERNAN DI WARDA
Oranjestad: Dr. C. v.d. Bilg
San Nicolas: Cruz-Sav. Dr. H.R. Dennert

WIT-GELE KRUIS
Oranjestad: Ze. Ewald
San Nicolas: Ze. Perpetua
Santa Cruz: Ze. Ludovic

POSTSLUITINGEN
Diahuebs

Anguilla 8.00, Antigua 8.00, Argentina 8.00,
Bermuda 8.00, Bolivia 8.00, Brazil 8.00,
Canada 8.00, Chile 8.00, Colombia 8.00,
Costa Rica 8.00, Cuba 8.00, Curaçao 10.00,
El Salvador 10.00, Guatemala 10.00,
Honduras 10.00, Jamaica 10.00, Mexico 10.00,
Nicaragua 10.00, Panama 10.00, Paraguay 10.00,
Peru 10.00, Puerto Rico 10.00, Suriname 10.00,
Tailandia 10.00, Uruguay 10.00, Venezuela 10.00,
Zambia 10.00, Zaire 10.00, Zimbabue 10.00

TELE-ARUBA
Diahuebs 3 october 1963

06.00 Industry on Parade
06.30 Corbis Archer
06.45 Papiamento Newscast Live & Filmnews
07.00 Sea Hunt
07.30 Sports News
07.45 Tombstone Territory
08.15 Home moments
08.45 English Newscast Live & Filmnews
09.00 Een Casey
10.00 Sign off

RADIO VICTORIA
Diahuebs 3 october 1963

A.M.
9.05 Apertura
9.15 Ultimas noticias
9.15 E. B. habri
9.20 Gimnasia
10.00 World news
10.10 The Bible for you
10.15 Radio revival
10.45 Thoughts on home
11.00 Chapel of the air
11.15 Novela
12.00 Melodias di merdia
P.M.
12.00 Ultimas noticias
12.15 Musica sacra
12.30 World news
12.45 Quiet time
1.00 Radio concert hall
2.00 Reading room
2.15 Songs of Zion
2.30 Quiet hour
2.45 Ensayos musicales
3.15 Home moments
3.30 Prosa y poesia
4.00 Musica de banda
4.15 Ultimas noticias
4.30 Cafe con musica
4.45 Noticias na Spanjo
5.00 Academia del aire
5.15 Papiamento di bida
5.30 Musica para la cena
6.00 Ultimas noticias
6.30 Interludio musical
6.45 Noticias na Spanjo
7.00 Fun with music
7.15 Songs of Zion
7.30 Musical Interlude
8.00 World news
8.15 The Bible
8.30 Back to the Bible
9.00 Musical gems
9.30 Songs in the night
10.00 World news
10.05 Klaseke musik
11.00 Sign off

RADIO CARACAS TELEVISION

Diahuebs 3 october 1963

8.45 Senderos de luz
9.00 Caja con sorpresas
9.30 Jatin de infancia
10.00 Ingles pur T.V.
10.15 Programa de Cecilia Martinez
11.15 Supercuadro al aire
11.45 Novela
12.00 Show de Saume
12.30 Jatin 17
13.00 Noticias
13.05 Cont. Show de Saume
13.15 Se necesita una amiga
13.30 Novela
14.00 Puntu y aparte
14.30 Yo se lo vendo
15.00 Estudio de Hector Munterverde
15.30 Perfecta ama de casa
16.00 Aventuras Poyey y Yeyo
16.30 Melina y sus muchachos
17.00 Tle Tac Toe
17.30 Pelicula
17.55 Pelicula
18.00 Pelicula
18.00 Teleforo
18.30 Dragón
20.00 Observatorio
20.15 Novela
21.00 Un matrimonio perfecto
21.30 Esta noche Billu
21.30 Noticias

RADIO KELKBOOM
Diahuebs 3 october 1963

7.00 Opening
7.02 Bon dia cu alegria (Instrumental)
7.30 Musica matutina
9.00 Selección musical cu discopan
9.30 Cumpleanjos feliz
9.00 Selección musical
9.15 Musica varia
9.30 Melodias instrumentales
10.00 Melodias instrumentales
10.05 Ritmo
10.30 Programa di N. Habibe Jr.
11.00 Noticiario internacional
11.05 Musica varia
11.15 Musica Antillana
11.30 Musica varia
11.45 Musica internacional
12.00 Musica Norte Americana
12.45 Noticiario local
13.00 Musica varia
13.05 Melodias instrumentales
13.10 Melodias instrumentales
13.15 Musica varia
13.30 Twist
13.35 Merengues
13.40 Calypso
13.45 La Macoriana e Internacional
Supermarket
14.00 Musica cu sabor Azteca
14.30 Selección musical
14.45 Cofetil musical
15.00 Danzones Cubanos
15.15 Musica varia
16.00 Noticiario deportivo
16.15 Musica varia
16.30 Musica para la cena
17.00 Noticiario internacional na Papiamento
17.15 Musica Europea
17.45 Musica Norte Americana
18.15 Novela (Vida Robada)
18.45 Musica varia
19.00 C.G.A.
10.00 Shifting

RADIO ANTILLANA
Diahuebs 3 october 1963

06.00 Apertura
06.10 English
06.30 Noticiario na Papiamento
06.45 Te 7.45 a.m. Bai trabao den compania
di bu companiero constante Radio
Antillana
07.10 News in English
07.30 Noticiario na Papiamento
07.45 Noticiario musical
08.30 Musica varia
09.15 Programa pa amanan di cas
11.15 Recibo musical
12.00 Melodias Antillanas
12.15 Noticias na Papiamento
12.25 Melodias Antillanas
12.45 Charla deportiva
13.00 North American music
13.05 Album di recuerdo
13.10 Boleros romanticos
13.30 Festival musical
13.35 Programa papiamentan den hospital
14.00 Programa „La Esperanza”
14.30 Peticiones
15.00 Noticias na Papiamento
15.15 Calypso
15.30 Calendario Antillano
15.45 Musica varia
16.00 Charla deportiva
16.15 Musica Norte Americana
16.30 News in English
16.45 Variedad musical
17.00 Felicitaciones y complacencias
18.30 Apostolado del aire
19.00 Musica Latina
19.15 Musica varia
19.30 Anuncios
10.20 Resumen di noticiario
10.30 Clausura

DIANA E HUERFANA



—Si, e tin e mala suerte di a ena-
mora esun robez, su tata a bisa cu
un sonrisa. Mi tin duele di dje. E
ta un homber simpatico, mi lo keda
contentu si boso...
—Mi no ta pensa mes pa laga bo
pega nos na otro.

Atrobe e chehanan di e bieuw a subi.
—Bo no mester usa tal expresion-
nan mi amor. Ningun hende no kier
forza bo pa casa.

—Perdona mi, naturalmente bo tin
razon. Pero... si mi pensa... Ki-
ko mi ta papa, bo no ta comprende
mi toch, el a termina cu un suspiro.

—Bo ta un muchu cu semper a
hanja tur cos cu e tabata desea, con-
de Alberto a bisa. Tur cos cu bo ta-
bata kier, nos a duna bo. Solamente
e homber cu aho kier, bo mes mester
conquista. Mi no por compra A-
lejandro pa bo y duna bo como un
regalo di piscu.

—Mi no kier e mes. Nos ta bon
amigu, comprende mi anto! Adem-
as lo bini nos fiesta. El a pidi mi pa
bira mi escorte e anto.

—El a pidi esey? Atrobe e homber
a hala su cara den un sonrisa incre-
ble. Abo a punte si e lo kier ta asi-
na bo pa ocupa su mes principalm-
te cu bo. Y el a bisa si mi yiu bo
no ta comprende anto cu bo ta haci
cos robez? Lage mira cu fuera di
dje tambe tin otro homber cu por
bai bon cu e.

—Mi mester hacie jaloers? Barba-
ra a bisa su schouder. Pero si e no
ta reaccion riba esey?

Di repente conde Alberto a cum-
za hari cu snack. Bo no lo spera un
hari asina di dje, pasobra e tabata
mustra masha importante y friu. Pe-
ro den circulo di su famia e tabata
mustra hopi biala cu e tabatin un
curazon di hende. Mas parti e ta-
bata trata sin embargo pa sconde su
emocionnan tras di un indiferencia,
manera e tabatin berguenza.

—Si Alejandro no ta reacciona
anto bo ta na altura. Anto e no ta
sintí nada pa bo, nada como muher.
Mucha no sinti como cu algu impos-
sibel! Wilson sa kiko e kier — y mi
ta puntra mi mes tin biala si e kier
bo Barbara.

—Pero mi ta guste masha hopi
mes. E muchu a bai sercha die y a
pone su cabes riba su pecho. Pupa
bisa mi pakiko e no ta stima mi.
Semper e ta carijoso, y cortes. Pero
kiko mi mester haci pa e gusta mi?

—Mi ta bisiti bon, mi no ta mahos.

CISCO KID presenta pa cortesía di ARUBA BOTTLING COMPANY

NESBITTS den varios sabor, e refresconan
mas pidi y mas gustos na Aruba.

Si, si... pero eynan no.
1. Kiko? Bo no ta tuma un
bist? Un poeshi preto a cruza
nos dilanti.
3. Y den un cuarto banda di
patras!
Si nos horta Smith nos lo bi-
ra rico.



PEPITA pa cortesía di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Lorenzo, ta masha ora cu
un di mi mannan ta grabata.
2. Ta hon suerte; nan ta bisa
cu esei ta nifica cu bo ta
bai hanja placa.
3. Oh, mi no mester a bisa
ho esey.
4. Ta herdad! Duna, mi pa
mi compra un bistir...
Mi por a pensa.



Triunfo Dakotenjo riba Aruba Jrs tabata cinco pa tres

(Di nos redactor Deportivo)

Apesar di e amenaza cu e horcan Flora tabata pa nos isla diamars anochi, a enfrenta otro den Wilhelminastadion e dos equiponan di hoofdklasse Aruba Jrs. y Dakota. Pa e muchanan di Socotero esaki tabata e quinto biaha cu nan ta mira accion den e actual campeonato, mientras cu e dakotenjonan a subi tereno pa di cuatro biaha.

Apesar dos minuit despues di e pitazo inicial, e dakotenjo Dany Pablo ta pone su team adilanti cu e primer anotacion di wega.

For di un corner pa Dakota tuma door di e alero drecchi Guillermo Trinidad, e segundo gol di wega ta worde produci ora cu e wega tabata casi un cuarto di ora bieuu. E corner tuma door di Trinidad ta worde gekop aden door di Tiro Steba pa pone Dakota ariba dos pa cero.

E proximo atake dakotenjo tambe ta tuma otro momento dificil pa e defensa di Aruba Jrs. Dany Pablo ta pasa un defensa y ta entrega e bala na Richard Jacobs, kende ta hanje so cu keeper Ro Agumero. E shot di Jacobs ta worde taha door di e portero.

Cu su proximo intento si Jacobs tin exito y esaki ta worde cobra door di 26 minuit y esaki ta worde cobra door di Gochi Brion. Su shot ta bai directamente den gol y ya a pasa keeper Yubi Richardson pa e primer anotacion di Los Azules. E score a bira cu e corner-gol aki 3 pa 1.

E quinto gol den e primer 30 minuit di wega ta bin for di un penalty na favor di Dakota. Esaki ta worde cobra door di Nullo Steba den forma perfecto pa acenta e ventaja dakotenjo te na 4 pa 1.

Cu e score aki e primer mitad a completa. Tres minuit despues cu e partido a worde reanuda Aruba Jrs su segundo gol ta nace. Un freekick ta worde cobra door di Gochi Brion y su potente shot ta bala e nei lagan do keeper Yubi Richardson sin chens. Tabata un shot cu un potencia cu no ta worde presencia cu mucho frecuencia den nos partidonan di hoofdklasse. E score a bira 4 pa 2 na favor di Dakota.

Keeper Liberia ta luci den di 14 minuit ora cu e ta saka un shot di Richard Jacobs, kende a ricibi pase di e alero drecchi Trinidad.

OBISPO SUR AFRICANO LO BAI LONDEN

LONDEN. 3 oct. — E Arzobispo Anglicano di Ciudad del Cabo, Dr. Josiah Black, di kende a worde bisa a yera nochi cu e lo reira, lo bira canonigo di Westminster. Asina a worde participa awe na Londen. Dr. De Blank a nace na Hulanda.

E ta un adversario fuerte di "anti-heid". E lo bandona Sur Africa riba consejo di dokter.

E siguiente y ultimo gol di Dakota ta worde produci tambe for di un corner. Richard Jacobs ta cobra e y Dany Pablo ta kop aden pa pone e score na 5-2. Faltando diez minuit pa e partido termina Aruba Jrs ta score su tercer gol di e partido.

Luty Burleson a pasa dos dakotenjo y entrega e bala na Eddy Becker kende a shot aden pa tres e scoreboard den movimiento pa di ocho biaha durante e anochi.

E partido a caba cu anotacion di 5 gol pa 3 na favor di Dakota cu tin awor dos gana y dos empata den cuatro wega. Joke ta duna nan seis punto pa tres un empate actual den e primer puesto entre cuatro team, esta Juventud Millonarios, Estrella Dakota y R.C.A.

Protesta Frances contra nacionalisacion di Argelia

PARIS. 3 october. — Gobierno Frances a protesta contra nacionalisacion di terrenonan na Argelia cu ta pertenece na Francesnan.

Den un declaracion e gobierno ta bisa cu e lo persua minuciosamente cu e garantianan cu a worde duna diferente biaha lo worde ehecuta, especialmente pa luche ta e disposicion liber riba e cosechanan di recompensacion na un bario igual. Ademá e ta keda cu e derecho pa tuma tur medidanan cu e ta considera necesario y gobierno Frances ta muestra gobierno Argelino riba su responsabilidad, asina e comunicado ta bisa.

Segun e comunicado, nan a ordena embahador Frances na Argel pa protesta contra desicionnan di nacionalisacion y avisa gobierno Argelino pa e influencia cu lo perhudica moda di actu, ne relacionnan entre ambos pais. Gobierno Frances ta kere, cu e medidanan propuesto, e suspencionnan tocante reforma agraria ne acuerdo di Evian ta sinti riba schroefnan los.

Nan ta kere cu e hechonan di gobierno Argelino ta perhudica esnan cu ta kere den posibilidad di un existencia liber den un Argelia independiente.

YABI

pa bo exito

Avisa den
ARUBAANSE
COURANT
y compara e
resultado

MARTINI

VERMOUTH

WIMCO

ARUBA, Neth. Ant.

sweet
white
extra dry

TIRE

usa, pero den bon
condicion y tire
original di marca-
nan mundialmente
conoci,
NA PRIUSNAN
SIN IGUAL!
pasa awe mes pa
un set...

Pa menos
placa bo por hanja e mesos na:

PANAMA STORE

TA SOLICITA

pa nos departamento di agencia, un hoben activo pa
drenta servicio inmediatamente, pa trabao di

SALESMAN

Ta worde exhibi: su mes auto
edad entre 20 — 25 (preferible soltero)
bon presentacion

Dirigi caria na: Oficina di "ARUBAANSE COURANT"
Nassaustraat 85 — Oranjestad, Aruba.
Menciona ariba e envelop letter MN.

Cu gran alegria nos ta participa
nacemento di nos yiu y ruman
homer.

ERWIN ALEXANDER
HENRIQUEZ

Erwin Henriquez
Antoinette Henriquez
Aimee

Aruba, 1 oktober 1963

Dominicanessenstraat No. 5
Temp: San Pedro Hospital.

EJERCICIO FLAT ROCK
DI NATO

DEN HAAG. 3 oct. — Den e pe-
riodo di tres te 25 di october venidero
lo worde tene na altura di e costa
noordwest di Escocia e ejercicio di
NATO "Flat Rock".

E ejercicio aki, cu ta bao di di-
reccion di e vice-almirante Ingles, F.
R. Twiss, lo participa bapornan y a-
vionnan di marina di Canada, Dinam-
marca, Francia, Hulanda, Noruega
e Inglaterra.

TA BENDE

6 stoel di comedor pa	fl. 60,—
1 cama di dos persona)
2 cashi di cama)
y mesita (Palo) pa) 60,—
1 cama di un persona y)
1 cashi di cama) 60,—
1 mesa chiquito (cigaria)) 25,—
1 radio di mesa) 75,—
1 wasmachine) 65,—
1 machin di cosé den su)
cash (SINGER)) 125,—
1 set di wea; ember;)
bleki y trommel pa pan) 75,—
1 Standaard lujoso) 25,—
1 Mantel di lana pa mesa) 20,—
1 kashi pa cushina) 15,—
1 Accordeon (120 bajo)) 125,—
y tambe servies)

Pa inf.: J. v.d. Putten
Savaneta 324-A.

RAJAKOWITSJ SU PASADO
HULANDES

AMSTERDAM. 3 oct. — Segun
e agencia aki di prensa ta informa e
investigacion cu recherche di Hu-
landa a haci di e pasado Hulandes
di e criminal di guerra dr. Erich Ra-
jakowitsj, kende a worde aresta na
april di e anja aki, ta casi cla.

E documento a worde entrega na
e ofisier di hustitie di Amsterdam.
E intencion ta pa pone e resultado-
nan di e investigacion na disposicion
di autoridanan di Austria, kende ta
considerando actualmente pa cumina
za un persecucion huridica contra
Rajakowitsj, kende ainda ta detene.

MAC MILLAN A REGRESA
SU RESIDENCIA

LONDEN. 3 october. — Premier
MacMillan lo bolbe regresa na su re-
sidencia, e cas especial pa prome
ministernan Ingles, na Downingstreet
10.

Tres anja pasa e prome Minister
a muda pa Admiralty House pa du-
ra oportunidad pa un restauracion
completo di e residencia di prome
ministernan Ingles.

for
HEALTH
FRESCAVENA

E refresco cu
la ALIMENTA

Agente pa produccion
di QUAKER
DE VEER & SONS INC.
Tel. 1326-5261

Materianan di construccion di cal-
dad y na prijs atractivo esey ta so-
lamente na

PETRONA & CROES

TA HUUR

un cas muebla na Sava-
neta cu dos aire-acondi-
cionado.

Pa mas inf.: Jama TEL. 7026.
of acudi na
Savaneta 512.

TA BENDE

Un dump-truck
"FORD" 1957
den bon condicion.

Pa inf.: G. GEERMAN,
Tel. 1554 - of acudi na
Bollivistraat 5.

TA SOLICITA

SECRETARIA DI DIRECTIVA
cu experiencia

EXIENCIA: * bon conocimiento di Ingles,
Spanjo y Hulandes
* Steno - Ingles

Dirigi Solicitacion por escrito, cu completo informa-
cion personal experiencia, referencias y cu un bon
potret di pasaporte bou di letter "DS" na:

Aruba Trading Company

Nassaustraat, Aruba.

BO HOROSCOPO PERSONAL

ARIES

21 Maart — 20 April

Luna jen ta duna
bo smaak pa ha-
ci algun cambio y
busca actividadnan
nobo. Sin tia dife-
rencia di opinion
cu otro busca un
compromis.

TAURUS

21 April — 20 Mei

Luna jen proba-
blemente lo acentu-
a problema nan
di bo vida priva.
No laga bo emo-
cionnan domina
bo, usa bo cabez

GEMINI

21 Mei — 20 Juni

Luna jen ta a-
centua bo lazonan
di amistad y ta un
dia favorable pa
contactacion social.
Aspectonan ta in-
dicar riba romance.

CANCER

21 Juni — 22 Juli

Luna jen lo pone
acento riba sucesos
nan rond di bo cas
y actividadnan social.
Percura pa bo
domina e situacion.

LEO

23 Juli — 22 Augustus

Luna jen lo hala
bo atencion riba a-
suntunan riba distan-
cia. Tin bon as-
pectonan pa haci
viaje y scribi car-
ta.

VIRGO

23 Augustus — 22 September

Luna jen ta aumen-
ta bo interes
den asuntos finan-
cieros. No spe-
ra mucho cos di
oteronan riba e te-
reno aki y confia
riba bo mes.

LIBRA

23 September — 22 October

Luna jen ta inicia
un periodo den
cual bo meser paga
hopi atencion
na e actuacion di
bo partner matri-
monial.

SCORPIO

23 October — 22 November

Luna jen ta pone
acento riba trabao,
asuntunan pendien-
te y bo salud. Tra-
ta pa bai cu calma.

SAGITARIUS

23 November — 21 December

Luna jen por tre-
se problema nan en
relacion cu amis-
tad, amor y asun-
tunan di trabao.
Mustra pasenshi cu
hendenan stima.

CAPRICORNUS

22 December — 19 Januari

Luna jen ta indi-
ca riba hopi activi-
dad rond di bo
cas y trabao. Con-
trola bo emocion
nan y no libra e
harmonia.

ACUARIUS

20 Januari — 18 Februari

Luna jen ta tene
diferencianan di o-
pinion entre bo y
oteronan. No spera
muchu cos di o-
tronan, bo mes
meser actua.

PISCES

19 Februari — 20 Maart

Luna jen ta pone
acento riba bo a-
suntunan finan-
ciero. Bai cu cuidao
ora bo ta traha
cuenta di bo gavi-
onnan y tur asunto
di placa.

NACIONALISACION NA
MAROKKO

PARIS. 3 oct. — Gobierno Fran-
ces a protes a ave sera e gobierno di
Marokko contra nacionalisacion di e
terrenonan di agricultura, cu ta wor-
de cultiva pa colonistanan Frances.
E Rey di Marokko a firma e decre-
to pa nacionalisacion ajera.

Den e nota Frances ta worde re-
corda na pasonan anterior di gobier-
no Frances, cu ta desea pago di don-
jo di perhudicio pa e territorio nacio-
naliza. E nacionalisacion ta drema
awe na vigor.

„SANTA PAULA” y „SANTA ROSA”, bapornan moderno di
GRACE LINE, semanalmente ta trece turista y carga pa nos isla.

Usa e servicio eficiente di GRACE LINE y biaha via
GRACE.

Agente:

EMAN TRADING
CO. INC

Oficina tel: 1156-1554-5054-5055
Dock tel: 2135

DICK TRACY

1. \$900.— na man, masha
bon mes.
2. Si, Big John nunca ta la-
ga su amigonan atras.
3. Ocho di e mihor camber-
nan di e pais aki. Berdaderamente
un cas pa bira a la
grandi. E disenjo ta di Pitui.
4. Y e pahra ta jama esaki
un lugar di sconde?

\$900 IN ADVANCE.
VERY GOOD.

YES, BIG JOHN
NEVER LETS HIS FRIENDS
DOWN. ANYTHING FOR
A PAL.

EIGHT OF THE FINEST
ROOMS IN THIS COUNTRY.
TRULY A HOME FOR
GRACIOUS LIVING. DESIGNED
BY PITUI.

AND THAT
RAVEN CALLS
THIS A
HIDEOUT?

AT 900 FISH
A MONTH!

RIP KIRBY

JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLAGE lechi evap orado y lechi en polvo MAXWELL HOUSE KOFFIE

LOS FUEGOS ARTIFICIALES SE LO LLEVARON, ASANICO.

Y LOS DIAMANTES TAMBIEN, QUIZAS ASI ES MEJOR.

PERO TU ESTAS AQUI, PODEMOS COMENZAR UNA VIDA NO-NESTA.

SERIA MARAVILLOSO.

BUCHI ROBEZ presenta pa cortesia di PIET'S SODA FOUNTAIN tel. 2123

e mehor adres pa snacks, tur clase di dushi, softdrinks, ice-cream y revistas